

সারাদেশ

নিখোঁজের ৬ দিন পর দোকান থেকে ব্যবসায়ীর ঝুলন্ত মরদেহ উদ্ধার

প্রতিবেদক: কুষ্টিয়া প্রতিনিধি

প্রকাশের তারিখ: শনিবার, ০১ আগস্ট ২০২৬, ০৭:৫১ PM



কুষ্টিয়া প্রতিনিধি

কুষ্টিয়ার কুমারখালী উপজেলার পান্টি বাজারে একটি বন্ধ দোকান ঘর থেকে হাবিবুল্লাহ (৩৮) নামের এক আদম ব্যবসায়ীর অর্ধগলিত ঝুলন্ত মরদেহ উদ্ধার করেছে পুলিশ।

শনিবার (১ আগস্ট) সকাল ৯টার দিকে হাবিবুল্লাহ স্টিল ফার্নিচার নামের দোকানটি থেকে মরদেহটি উদ্ধার করা হয়।

নিহত হাবিবুল্লাহ উপজেলার পান্টি গ্রামের হামিদ মুসল্লির ছেলে। তিনি দীর্ঘদিন সিঙ্গাপুরে ছিলেন। পরবর্তীতে দেশে ফিরে স্টিল ফার্নিচার ব্যবসার আড়ালে আদম ব্যবসার সাথে জড়িয়ে পড়েন। আদম ব্যবসাকে (বিদেশে জনবল পাঠানোর ব্যবসা) কেন্দ্র করে তার বিরুদ্ধে কয়েকটি মামলাও বিচারাধীন রয়েছে।

পুলিশ ও স্থানীয় সূত্রে জানা যায়, গত সোমবার (২৭ জুলাই) রাত থেকে তিনি নিখোঁজ ছিলেন। নিখোঁজ থাকলেও তার ব্যবহৃত মোবাইল ফোনটি সচল ছিল। নিহতের স্ত্রী ও একমাত্র সন্তান বেশ কিছুদিন ধরে বিনাইদহে বাবার বাড়িতে অবস্থান করছেন।

ঘটনার দিন সকালে দোকান থেকে তীব্র দুর্গন্ধ ছড়ালে স্থানীয়দের সন্দেহ হয়। পরে তারা বিষয়টি পুলিশকে অবহিত করেন। খবর পেয়ে পুলিশ ঘটনাস্থলে পৌঁছে দোকানের বাঁশের আড়ার সাথে ঝুলন্ত অবস্থায় তার পচনশীল ও অর্ধগলিত মরদেহ উদ্ধার করে।

এ বিষয়ে কুমারখালী থানার ভারপ্রাপ্ত কর্মকর্তা (ওসি) জামাল উদ্দিন জানান, খবর পেয়ে পুলিশ ঝুলন্ত অবস্থায় পচনশীল মরদেহটি উদ্ধার করেছে। প্রাথমিকভাবে এটি আত্মহত্যা বলে ধারণা করা হলেও মৃত্যুর সঠিক কারণ নিশ্চিত করতে লাশ ময়নাতদন্তের জন্য মর্গে পাঠানো হয়েছে। ময়নাতদন্তের প্রতিবেদন হাতে পাওয়ার পর পরবর্তী আইনানুগ ব্যবস্থা গ্রহণ করা হবে।

এ বিভাগের আরও খবর



আমির হামজার গাড়িবহরে হামলা: সংবাদ সম্মেলনে ২৪ ঘণ্টার মধ্যে গ্রেপ্তারের আন্টিমেটাম
কুইয়া-ও (সদস্য) আসনের সংসদ সদস্য মুফতি আমির হামজার গাড়িবহরে বর্বরোচিত ও অতর্কিত হামলার তীব্র প্রতিবাদ ও জড়িতদের দ্রুত গ্রেপ্তারের দাবিতে জর...



রাঙামাটিতে পিকআপ উল্টে নিহত ৪
রাঙামাটির মানিকছড়িতে পিকআপ উল্টে দুই নারীসহ চারজন নিহত হয়েছেন। এ সময় আরো তিনজন আহত হয়েছেন। রবিবার (১৬ আগস্ট) ভোরে সদর উপজেলার সাপছড়ি ইউনিয়নের...



চাঁদার ৫০ হাজার টাকা না দেওয়ায় ব্যবসায়ীকে হাতুড়িপেটের অভিযোগ
নওগাঁর মান্দায় ৫০ হাজার টাকা চাঁদা না দেওয়ায় এক ব্যবসায়ীকে হাতুড়ি ও লোহার রড দিয়ে মারধরের অভিযোগ উঠেছে।
বৃহস্পতিবার (১৩ আগস্ট) বেলা ১১টার দি...



মসজিদের ভেতরে মুসল্লিকে হাঁসুয়া দিয়ে কুপিয়ে জখম
নওগাঁর মান্দায় মসজিদের ভেতরে ঢুকে মামুন্নের রশিদ মামুন (৩৮) নামের এক মুসল্লিকে হাঁসুয়া দিয়ে কুপিয়ে জখম করার অভিযোগ
উঠেছে। শনিবার (১৫ আগস্ট) জো...

Copyright Dhaka Probe

অনলাইন সংস্করণ পড়তে ভিজিট করুন: <https://dhakaprobe.com/saradesh/nikhonjer-6-din-pr-dokan-theke-bjbsayir-jhulnt-mrdeh-uddhar>